



Broj: 03-27-2225/24

Datum, 6.9.2024.godine

Na osnovu člana 363.Zakona o stvarnim pravima („Službene novine Federacije Bosne i Hercegovine“, broj: 66/13 i 100/13) i člana 7.Pravilnika o postupku javnog konkursa za raspolaganje nekretnina u vlasništvu Federacije Bosne i Hercegovine („Službene novine Federacije Bosne i Hercegovine“, broj 17/14) i člana 1.stav (3) Odluke o uslovima i načinu prodaje nekretnina u vlasništvu općine Ključ broj 02-02-2179/24 od 2.9.2024.godine, Općinski načelnik općine Ključ objavljuje

OGLAS O LICITACIJI
za prodaju nekretnina u vlasništvu općine Ključ

Predmet javne licitacije je prodaja sljedećih nekretnina u vlasništvu općine Ključ i to:

a). STAN u stambenoj zgradi u Sanici ul. Oslobođilaca broj 81, izgrađenoj na parceli broj: 795/8 zv.“M.Tita” u naravi stambena zgrada površine 151 m², upisana u ZK ul. broj 218 KO Sanica, stan u prizemlju stambene zgrade oznake S-3, a koji se sastoji od hodnika površine 4,10 m², sobe površine 15,40 m², dnevna soba površine 10,10 m², sa kuhinjom površine 3,80 m², kupatilo površine 4,00 m², ostava površine 1,20 m² i balkon površine 2,60 m², stan u ukupnoj površini 41,20 m² (zaokruženo 41 m²) sa 41/240 suvlasničkog udjela na parceli broj 795/8 u naravi stambena zgrada površine 151 m² upisane u zkul broj 218 KO Sanica, sa nedjeljivim zajedničkim pravom vlasništva na zajedničkim dijelovima zgrade koji služe njenim posebnim dijelovima i nedjeljivim zajedničkim pravom vlasništva na zemljištu pod zgradom i zemljištu koje služi za njenu redovnu upotrebu.

b). STAN u stambenoj zgradi u Sanici ul. Oslobođilaca broj 83, izgrađenoj na parceli broj: 795/9 zv.“M.Tita” u naravi stambena zgrada površine 151 m², upisana u ZK ul. broj 219 KO Sanica, stan na spratu stambene zgrade oznake S-5, a koji se sastoji od hodnika površine 1,70 m², dnevna soba površine 10,80 m², i kupatilo površine 2,50 m², stan u ukupnoj površini 15,00 m² sa 15/237 suvlasničkog udjela na parceli broj 795/9 u naravi stambena zgrada površine 151 m² upisane u zkul broj 219 KO Sanica, sa nedjeljivim zajedničkim pravom vlasništva na zajedničkim dijelovima zgrade koji služe njenim posebnim dijelovima i nedjeljivim zajedničkim pravom vlasništva na zemljištu pod zgradom i zemljištu koje služi za njenu redovnu upotrebu.

c). STAN u stambenoj zgradi u Sanici ul. Oslobođilaca broj 85, izgrađenoj na parceli broj 795/10 zv.“M.Tita” u naravi stambena zgrada površine 151 m² upisana u ZK ul. broj 220 KO Sanica, stan na spratu oznake S-4, a koji se sastoji od hodnika površine 1,70 m², dnevna soba površine 10,80 m², i kupatilo površine 2,50 m², stan u ukupnoj površini 15,00 m² sa 15/240 suvlasničkog udjela na parceli broj 795/10 u naravi stambena zgrada površine 151 m² upisane u zkul broj 220 KO Sanica, sa nedjeljivim zajedničkim pravom vlasništva na zajedničkim dijelovima zgrade koji služe njenim posebnim dijelovima i nedjeljivim zajedničkim pravom vlasništva na zemljištu pod zgradom i zemljištu koje služi za njenu redovnu upotrebu.

- d)k.č.br. 414/11 zv. „Ograda“ građevinska parcela, površine 727 m2, upisanih u PL-174 KO Ključ I, sa posjedom općine Ključ u dijelu od 1/1,
e)k.č.br. 414/12 zv. „Ograda“ građevinska parcela, površine 642 m2, upisanih u PL-174 KO Ključ I, sa posjedom općine Ključ u dijelu od 1/1,
f)k.č.br. 414/13 zv. „Ograda“ građevinska parcela, površine 756 m2, upisanih u PL-174 KO Ključ I, sa posjedom općine Ključ u dijelu od 1/1,
g)k.č.br. 923 zv. „Luka“ građevinska parcela, površine 2340 m2, upisanih u ZK izvadak 231 KO Sanica, sa vlasništvom općine Ključ u dijelu od 1/1.

II

Početna prodajna cijena nekretnina iz tačke I. ovog Oglasa iznosi:

- za nekretnine pod tačkom a) iznosi 13.117,65 KM,
- za nekretnine pod tačkom b) iznosi 5.462,64 KM,
- za nekretnine pod tačkom c) iznosi 5.462,64 KM,
- za nekretnine pod tačkom d) iznosi 11.632,00 KM,
- za nekretnine pod tačkom e) iznosi 10.272,00 KM,
- za nekretnine pod tačkom f) iznosi 12.096,00 KM i
- za nekretnine pod tačkom g) iznosi 22.080,00 KM.

III

1)Ponuđači u postupku po oglasu o licitaciji dužni su uz prijavu za učešće na licitaciji dostaviti dokaz o uplaćenju kapara za učešće na licitaciji za prodaju nekretnina iz tačke I.ovog Oglasa koja iznosi:

- za nekretnine pod tačkom a) iznosi 1.311,76 KM,
- za nekretnine pod tačkom b) iznosi 546,26 KM,
- za nekretnine pod tačkom c) iznosi 546,26 KM,
- za nekretnine pod tačkom d) iznosi 1.163,20 KM,
- za nekretnine pod tačkom e) iznosi 1.027,20 KM,
- za nekretnine pod tačkom f) iznosi 1.209,60 KM,
- za nekretnine pod tačkom g) iznosi 2.208,00 KM.

(2)Kapara iz prethodnog stava uplaćuje se na depozitni račun općine Ključ, a nadležna služba općine Ključ dužna je prilikom objavljivanja oglasa o licitaciji navesti upute o broju računa, vrsti prihoda i ostalim relevantima činjenicama za uplatu kapare.

IV

(1)Sa najpovoljnijim ponudjačem kao kupcem, kupoprodajni ugovor će se zaključiti u roku od 30(trideset) dana od datuma održavanja licitacije, uz priloženi dokaz o uplati kupoprodajne cijene iz stava (2) ovog člana i uz prethodno pribavljeno mišljenje Općinskog pravobranilaštva općine Ključ.

(2)Kupac je dužan kupoprodajnu cijenu nekretnina iz člana 1.ovog Oglasa uplatiti u cijelom iznosu na depozitni račun općine Ključ najkasnije u roku od 7(sedam) dana od datuma kada ga prodavac pismenim putem pozove da to učini, s tim da se iznos uplaćene kapare uračunava u postignutu prodajnu cijenu.

V

Vrijeme i način predaje nekretnina u posjed kupcu će biti regulisano Ugovorom o prodaji nekretnina.

VI

Javno otvaranje ponuda i postupak licitacije provest će se dana 26.9.2024.godine u 11,00 sati u prostorijama Općine Ključ, kancelarija broj 25.(sala za sastanke) adresa Branilaca BiH broj 78 Ključ, uz prisustvo ponuđača koji žele da prisustvuju otvaranju i postupku licitacije.

VII

Nekretnine koje su predmet prodaje, zemljišnoknjižna i druga dokumentacija koja se odnosi na nekretnine, može se razgledati u prisustvu ovlaštenog lica ispred Općine Ključ svakim radnim danom od 8,00 do 15,00 sati.

VIII

(1) Ponuda sa prijavom i traženom dokumentacijom dostavlja se u zatvorenoj koverti sa naznakom „ZA KOMISIJU ZA PROVOĐENJE JAVNOG NADMETANJA-PONUDA ZA KUPOVINU NEKRETNINA U VLASNIŠTVU OPĆINE KLJUČ-NE OTVARATI“ preporučenom pošiljkom putem pošte ili neposredno putem pisarnice općine Ključ.

(2) Na koverti je potrebno naznačiti tačan naziv (ako je ponuđač pravno lice), ime i prezime (ako je u pitanju fizičko lice), tačnu adresu ponuđača, te ako je pravno lice ponuđač i naznaku njegovog pečata na koverti.

IX

Krajnji rok za prijem ponuda je 25.9.2024.godine do 15,30 sati (bez obzira na način dostavljanja—lično ili poštom). Sve ponude koji pristignu poslije ovog roka neće biti predmet razmatranja.

X

Ovaj Oglas će također biti objavljen na Oglasnoj ploči Općine Ključ, u programu Radio Ključa i web stranici www.opcina-kljuc.ba, s tim da jedini mjerodavni datum jeste dan objave u dnevnim novinama Oslobođenje Sarajevo dana 10.9.2024.godine.

XI

(1) U slučaju da je ponuđač pravno lice (d.o.o. , d.d, d.n.o. i sl.) njihov predstavnik je dužan na prednje navedeni datum i satnicu otvaranja pristiglih pisanih ponuda predati, odnosno na uvid Komisiji dati sledeće:

- a) Pečat pravnog lica,
- b) pisano ovlašćenje za zastupanje pravnog lica u postupku prodaje predmetnih nekretnina povodom ovog Oglasa ako se radi o osobi koja nije zakonski zastupnik tog društva, s tim da punomoć mora biti sačinjena u formi notarski obrađene isprave,
- c) ako pravno lice zastupa u postupku prodaje predmetnih nekretnina njen zakonski zastupnik ili eventualno vlasnik, dužan je pored pečata pravnog lica ponijeti i predati odgovarajući dokument iz kojeg je vidljivo njegovo prednje navedeno svojstvo u originalu ili ovjerenoj kopiji,
- d) odgovarajući dokument radi utvrđivanja identiteta zastupnika tj. predstavnika pravnog lica.

(2) U slučaju da je ponuđač fizičko lice potrebno je da na zakazani datum otvaranja pristiglih pisanih ponuda preda na uvid Komisiji dokument koje se utvrđuje identitet tog lica.

(3) Ponuđači mogu biti fizičke i pravne osobe, s tim da strana fizička i pravna lica kao ponuđači moraju uz svoju ponudu dostaviti odgovarajuće dokaze o ispunjenju uslova po osnovu reciprociteta između država pri sticanju prava vlasništva.

XII

(1) Ponuda mora sadržavati:

- a) pismenu prijavu potpisanu od strane podnosioca (ukoliko je ponuđač pravno lice mora biti i ovjerena pečatom pravnog lica) sa tačnim i preciznim podacima o ponuđaču, tačnom i potpunom adresom sjedišta, kontakt broj telefona, oznaka podataka o nekretnini, te broj računa za slučaj vraćanja uplaćene kapare,
- b) ovjerenu kopiju lične karte, a strana fizička i pravna lica pored ovog dokumenta svoje države moraju dostaviti i odgovarajući dokaz o ispunjavanju uslova po osnovu reciprociteta između države Bosne i Hercegovine i njegove države,

- c)ovjerenu kopiju ili original rješenja o registraciji društva (za pravna lica),
- d)dokaz o uplaćenju kapari,

(2)Pripadajući iznos kapare iz prethodne tačke treba biti uplaćen na transakcijski račun općine Ključ broj:1994400055683041, koji je otvoren kod Sparkasse bank D.D. Sarajevo-Poslovnica Ključ, svrha uplate: kapara za učešće na oglasu o licitaciji za prodaju nekretnina u vlasništvu općine Ključ.

(3)Komisija zadržava pravo da dostavljenu dokumentaciju ne vraća ponuđaču.

XIII

Sve poreze, troškove prenosa, uknjižbe, eventualnih zabilježbi i uvođenja u posjed predmetnih nekretnina snosi kupac u cijelosti.

XIV

(1)Kriterij za izbor najpovoljnijeg ponuđača je najviša ponuđena cijena koja ne može niti u jednom slučaju biti manja od početne prodajne cijene naznačene u ovom oglasu.

(2)Ponuđačima koji ne steknu status kupca-najpovoljnijeg ponuđača uplaćena kapara biti će vraćena u roku od 30 (trideset) dana od datuma okončanja javne prodaje.

(3)Ako se ugovor o prodaji nekretnina iz tačke I ovog Oglasa zaključi sa subjektom koji je ranije bio u zakupu ili drugom pravnom odnosu sa Općinom Ključ u pogledu raspolaganja i korištenja sa navedenim nekretninama, općina Ključ će ispoštovati odredbe ranije zaključenih ugovora o takvim odnosima.

XV

(1)Prije otvaranja zatvorenih pismenih ponuda predsjednik komisije upoznaće učesnike sa načinom i postupkom licitacije.

(2)Licitacija se može održati samo ako u njoj učestvuje najmanje dva učesnika izuzev ako drugačije ovim oglasom nije određeno.

(3)Učesnici u licitaciji ne mogu ponuditi manju cijenu od one naznačene u svojoj ponudi.

(4)Ako se na licitaciji javi samo jedan učesnik Komisija može pristupiti postupku prodaje pod uslovom da ta cijena ne može biti identična početnoj cijeni objavljenoj u ovom Oglasu.Komisija će tog učesnika pozvati da ponudi veću cijenu od početne, te ukoliko ne ponudi veću cijenu od početne, licitacija za tu nekretninu se smatra neuspjehom, a to lice gubi pravo na povrat uplaćene kapare.

(5)Ukoliko u postupku licitacije učestvuju dva i više lica, Komisija će ih pozvati da ukoliko žele izvrše povećanje cijene davanjem veće ponude.Ukoliko ponuđači ne žele povećati cijenu kroz davanje veće ponude, Komisija će proglasiti ponuđača koji je dao u svojoj ponudi višu cijenu kupcem, a za slučaj da su ponuđene cijene identične, Komisija će ponuđača koji je ranije dostavio ponudu po vremenu i datumu prijemnog štambilja proglasiti kupcem.

XVI

(1)Ukoliko niko od lica (lično ili putem zakonskog zastupnika, punomoćnika) koja su dostavila ponudu nije prisutan na dan licitacije, licitacija će se proglasiti neuspjehom, a lica koja su učinila ponudu gube pravo na povrat uplaćenog iznosa kapare.

(2)Licitacija traje sve dok se daju veće ponude.Učesnicima u licitaciji, na njihov zahtjev, može se dozvoliti kraći rok za razmišljanje o daljim ponudama.

(3) Licitacija se zaključuje ako i poslije drugog poziva nije u roku od 5 (pet) minuta dana veća ponuda. Prije zaključenja licitacije predsjednik Komisije još jednom ponavlja posljednju ponudu, a zatim objavljuje da je licitacija zaključena.

(4) Poslije zaključenja licitacije predsjednik Komisije upoznaje učesnike licitacije da mogu odmah na zapisnik uložiti prigovore na sprovedeni postupak licitacije, te da poslije zaključenja licitacije učesnici ne mogu ulagati prigovore.

(5) O prigovoru odlučuje Komisija.

XVII

(1) Ponuđaču koje ne bude proglašen kao najpovoljniji uplaćena kapara će se vratiti u roku od 30 (trideset) radnih dana od dana provedenog postupka licitacije.

(2) Kupac je dužan kupoprodajnu cijenu u cijelosti platiti prodavcu najkasnije u roku od 7 (sedam) dana od datuma kada ga prodavac pismenim putem pozove da to učini, s tim da se iznos uplaćene kapare uračunava u postignutu prodajnu cijenu.

(3) S najpovoljnijim ponuđačem kao kupcem kupoprodajni ugovor će se zaključiti u roku do 30 (trideset) dana od datuma održavanja licitacije.

(4) Svi ostali detalji kupoprodaje i međusobnim prava i obaveza regulirat će se Ugovorom o kupoprodaji.

5) Ako najpovoljniji ponuđač ne uplati preostalu prodajnu cijenu u cijelosti u roku od 7 (sedam) dana od dana kada ga prodavac pozove da to učini, smatra se da je odustao od kupovine, te gubi pravo na povrat uplaćenog iznosa kapare i prodaja će se smatrati neuspjelom.

XVIII


Lica koja dostave svoju ponudu (jave se u ulozi ponuđača) potvrđuju da su prije dostave ponude upoznati sa svim eventualnim teretima, manama ili drugim nedostacima koji postoje na istom i da ga kao takvog žele i hoće kupiti, te se odriču bilo kakvih daljnjih prigovora po tom ili sličnom pravnom osnovu i činjeničnom stanju.

XIX

Općinski načelnik općine Ključ zadržava pravo poništenja, izmjene i dopune ovog oglasa u bilo kojoj njegovoj fazi čak i tokom postupka licitacije i nisu obavezni prihvatiti niti jednu pristiglu ponudu bez obaveze da navode bilo kakvo obrazloženje za takvu svoju odluku.

XX

Nepotpune, neblagovremene i neuredne prijave neće se uzimati u razmatranje.



Općinski načelnik
Nedžad Zukanović, prof.

Adresa: OPĆINA KLJUČ, 79280 KLJUČ, ul. Branilaca BiH 78
Telefon: ++ 387 (0) 37 662-054, 661-100, Fax: 661-104, e-mail: opcinakljuc.nacelnik@gmail.com